

草木典



草木典第二百八十五卷

林檎部彙考

釋名

林檎 開寶

來禽 法帖

花紅 果疏

文林郎果 拾遺

林檎圖



古今圖書集成  
賈思勰齊民要術 柰林檎

柰林檎不種但栽之 種之雖生而味不佳

取栽如壓桑法又法栽如桃李法林檎樹以正月二月中翻斧班駁椎之則饒子

作林檎夢法 林檎赤熟時擘破去子心蒂日曬令乾或磨或擣下細絹篩粗者更磨擣以細盡爲限以方寸匕投於碗中卽成美漿不去蒂則大苦合子則不度夏留心則大酸若乾嗽者以林檎夢一升和米麪二升味正適調

郭橐駝種樹書 林檎

林檎蛀以鐵線尋竅內鑽刺用百部杉木釘塞之如生毛蟲以魚腥水潑根活埋蠹蛾於地下

陶穀清異錄 冷金丹

林檎百枚蜂蜜浸十日更易蜂蜜五斤細丹砂末二兩攪拌封固一月出之陰乾飯後酒時食一兩枚名冷金丹

便民圖纂 藏林檎法

枇杷林檎楊梅等果用臘水同薄荷一握明礬少許入甕內投果於中顏色不變味更涼爽

清供錄 林檎渴水

林檎渴水林檎微生者不計多少搗碎以滾湯就竹器放定搗碎林檎衝淋下汁滓無味爲度以文武火熬常攪勿令燂了熬至滴入水不散然後加麝腦少許檀香末尤佳熟時脯乾研末點湯服甚美

家塾事親 藏林檎法

林檎每百顆取二十顆槌碎入水同煎候冷納淨甕中浸之密封其口以浸著爲度可久留

陶宗儀輟耕錄 熟水法

句曲山房熟水法削沈香釘數箇插入林檎中置瓶內沃以沸湯密封瓶口久之乃飲其妙莫量

王世懋果疏 來禽

花紅一名林禽卽古來禽也郡城中多植之覓利味苦非佳而特可觀北土之蘋婆卽此種之變也吾地素無近亦有移植之者載北土以來亦能花能果形味俱減然猶是奇物王相公園有之二種



雖貴賤難易迥別吾園中各植三兩株足矣來禽種雖易然與桃性俱多蟲而易敗種者苦於剔蟲若桃則數年一易可耳

本草綱目 林檎釋名

陳藏器曰文林郎生渤海閒云其樹從河中浮來有文林郎拾得種之因以爲名 李珣曰文林

郎南人呼爲榲桲是矣 李時珍曰按洪玉父云此果味甘能來衆禽於林故有林禽來禽之名

又唐高宗時紀王李謹得五色林檎似朱柰以貢帝大悅賜謹爲文林郎人因呼林檎爲文林郎果又述征記云林檎實佳美比榲桲微大而狀醜有毛而香關輔乃有江南甚希據此則林檎是文林郎非榲桲矣

集解

馬志曰林檎在處有之樹似柰二月開粉紅花子亦如柰而差圓六月七月熟 蘇頌曰亦有甘

酢二種甘者早熟而味脆美酢者差晚須爛熟乃堪噉今醫家乾之入治傷寒藥謂之林檎散

李時珍曰林檎卽柰之小而圓者其味酢者卽楸子也其類有金林檎紅林檎水林檎蜜林檎黑林

檣皆以色味立名黑者色似紫素有冬月再實者林檎熟時曬乾研末點湯服甚美謂之林檎夢僧贊靈物類相感志云林檎樹生毛蟲埋蠶蛾於下或以洗魚水澆之卽止皆物性之妙也

氣味

酸甘溫無毒

孫思邈曰酸苦平澀無毒多食令人百脈弱

馬志曰多食發熱及冷痰澀氣

令人好睡或生瘡癰閉百脈其子食之令人煩心

主治

大明曰下氣消痰治霍亂肚痛

蘇頌曰消渴者宜食之

孟詵曰療水穀痢洩精

李時

珍曰小兒閃癖

東行根主治

孟詵曰白蟲蚘蟲消渴好睡

附方

水痢不止林檎半熟者十枚水二升煎一升并林檎食之

食醫心鏡

小兒下痢林檎構子同杵汁任

意服之子母祕錄 小兒閃癖頭髮堅黃瘰癧瘦弱者乾林檎脯研末和醋傳之同上

高濂遵生八牋 花紅餅方

用大花紅批去皮曬二日用手壓匾又曬蒸熟收藏硬大者方好須用刀花作瓜稜

林檎部藝文一

謝賚林檎書  
梁劉孝威

勇聞齊國止錫二桃遠至仙方裁蒙數棗豈如恩豐漢篋賜廣魏奩姪女數而僅通算郎計而方得  
生于玉井之側出自金膏之地上靈所貴下土希逢

謝賚林檎啟  
庾肩吾

丹徒故苑歲綿長而不見岷山舊植路重阻而來難未有徙核圓丘移根閬坂仙廚始摘猶堆青玉  
之盤下賤爰頒遂入抽蒲之座

林檎部藝文二  
詩詞

月臨花  
唐元稹



凌風颺颺花透影  
朧朧月巫峽隔波雲  
姑峯漏霞雪鏡勻嬌  
面粉燈泛高籠  
纈夜久清露多啼珠墜  
還結

水林檎花

鄭谷

一露一朝新  
簾櫳曉景分  
艷和蜂蝶動  
香帶管弦聞  
笑擬春無力  
粧濃酒漸醺  
直疑風起夜  
飛去替行雲

宣城宰郭仲文遺林檎

宋梅堯臣

右軍好佳果  
墨帖求林檎  
君今忽持贈  
知有逸少心  
密枝傳應遠  
朱頰映已深  
不愁炎暑劇  
幸同玉漿斟

八月三日詠原甫庭前林檎花

前人

秋蠹無完葉  
疎叢有瘁莖  
偶來庭樹下  
重看露葩榮  
衆自守常理  
獨開偏見情  
從今數霜月  
結子尙能成

來禽花

陳與義



來禽花高不受折滿意清明好時節人閒風日不貸春昨夜胭脂今日雪含東燕菁滿眼黃蝴蝶飛去專斜陽妍媸都無十日事付與梧桐一夜涼

國材姪送林檎

王庭珪

嫩紅輕拂女兒臉淺綠深堆瑪瑙盤草木若能成好事年年早寄一枝看

林檎花

劉子翬

粲粲來禽已著花芳根誰徙向天涯好將青李相遮映風味應同逸少家

以來禽果餉熨庵

明楊慎

佳果東來濯錦江楚謠萍實亦堪雙王家珍重來禽帖青李櫻桃總受降

留春令

宋史達祖

香肌豐鬢韻多香足綠勻紅注剪取東風入金盤斷不買臨邛賦宮錦機中春富裕勸玉環休妒等得明朝酒消時是閒淡雍容處

洞仙歌

丘壘

豐肌膩體淡雅仍矜貴不與羣芳競姝麗向瓊林珠殿獨占春風仙仗裏曾奉三宮稱燕喜低徊  
如有恨失意含羞樂事繁華竟誰記應憐我老去無句酬伊吟未就不覺東風又起鎮獨自黃昏怯  
輕寒這情緒年年共花憔悴

念奴嬌

賦林  
攜花

曾覲

羣花漸老向曉來微雨芳心初拆拂掠嬌紅香旖旎渾欲不勝春色淡月梨花新晴繁杏裝點成標  
格風光都在半開深院人寂剛要買斷東風裊柔枝低映舞茵歌席記得當時曾共賞玉人纖手  
輕摘醉裏妖嬈醒時風韻比並堪端的誰知顚顚對花空惹思憶

永遇樂

金林  
攜

趙師俠

日麗風暄暗催春去春尙留戀香褪花梢苔侵柳徑密幄清陰展海棠零亂梨花淡泞初聽聞空鶯  
燕有輕盈妍姿靚態緩步闌風仙苑綠叢紅萼芳鮮柔媚約略試妝深淺細葉來禽長梢戲蝶簇  
簇枝頭自醺顏鬢髮春愁無力困倚畫屏嬌軟只應怕風欺雨橫落紅萬點

林檎部選句



晉左思蜀都賦其園則有林檎枇杷

宋謝靈運山居賦枇杷林檎帶谷映渚

宋蘇軾詩東

坡先生未歸時自種來禽與青李

劉子翬詩東風也作清明意開遍來禽一樹花

陸游詩

來禽顏色不禁雨

楊萬里詩來禽濃抹日半臉

林檎部紀事

西京雜記初修上林苑羣臣遠方各獻名果異樹有林檎十株

晉宮閣記華林園有林檎十二株

京口記南國多林檎

宋書符瑞志元嘉十五年二月太子家令劉微園中林檎樹連理徵以聞

洽聞記唐永徽中魏郡臨黃王國村人王方言嘗於河中灘上拾得一小樹栽埋之及長乃林檎也

實大如小黃瓠色白如玉間以珠點亦不多三數而已有如纈實爲奇果光明瑩目又非常美紀王

慎爲曹州刺史有得之獻王王貢於高宗以爲朱柰又名五色林檎或謂之聯珠果種於苑中西域

老僧見之云是奇果亦名林檎上大重之賜王方言文林郎亦號此果爲文林郎果俗云頻婆果河

東亦多林檎秦中亦不少河西諸郡亦有林檎皆小於文林果

宋史禮志景祐三年禮官宗正條定逐室時薦以京都新物略依時訓協用典章請每歲夏仲月薦果以瓜以來禽

蘇東坡集兒子邁幼時嘗作林檎詩云熟顆無風時自脫半腮迎日鬪先紅於等輩中亦號有思致者

貴耳集思陵偶持一扇迺祐陵御筆畫林檎花上一鸚鵡

賞心樂事禁中五月於艷香館賞林檎

史纂馬珪居華陽亭牆外有林檎一株枯已久矣師四月十四日汲水沃之曰純陽來年是日生於此樹之下

### 林檎部雜錄

物類相感志林檎樹生毛蟲埋蠶蛾于下或以洗魚水澆之卽止

三柳軒雜識來禽爲靚客



瓶史海棠以蘋婆林檎丁香爲婢 林檎蘋婆姿媚可人潘生之解愁也

瓶花譜八品二命林檎

林檎部外編

桂苑叢談王梵志衛州黎陽人也黎陽城東十五里有王德祖者當隋之時家有林檎樹生瓊大如斗經三年其瓊朽爛德祖見之乃撤其皮遂見一孩兒抱胎而出因收養之至七歲能語問曰誰人育我及問姓名德祖具以實告因林木而生曰梵天後改曰志我家長育可姓王也作詩諷人甚有義旨蓋菩薩示化也

酉陽雜俎鄆州闕司倉者家在荊州其女乳母鈕氏有一子妻愛之與其子均焉忽一日偶得林檎一簪戲與己子乳母乃怒曰小娘子成長忘我矣常有物與我子停今何容偏乃齧吻攘臂再三反覆主人之子一家驚怖逐奪之其子狀貌長短正與乳母兒不下也妻知其怪謝之鈕氏復手簸主人之子始如舊矣

稽神錄光州檢日官蔣舜卿行山中見一人方採林檎以二枚與之食因而不饑家人以爲不得食

不治將病求醫甚切而不能愈後聞壽春有人善醫令往訪之始行一日宿一所村店有老父問以  
所患具告之父曰吾能救之無煩遠行也出藥方寸匕使服之吐二林檎如新父收之去舜卿之食  
如常既歸他日訪之店與老父俱不見矣

檳榔部彙考

釋名

仁頻上林賦

賓門藥對

檳榔別錄

洗瘡丹綱目

大腹子綱目

馬檳榔附



檳榔圖



郭義恭廣志 檳榔

木實曰檳榔樹無枝略如桂其顛生稊而秀生棘鍼重疊其下彼方珍之以爲口實亦出交趾

嵇含南方草木狀 檳榔

檳榔樹高十餘丈皮似青銅節如桂竹下本不大上枝不小條直亭亭千萬若一森秀無柯端頂有

葉葉似甘蕉條派開破仰望眇眇如插叢蕉於竹杪風至獨動似舉羽扇之精天葉下葉數層綴

數十實實大如桃李天生棘重累其下所以禦衛其實也味苦澀剖其皮煮其膚熟如貫之堅如乾棗以扶留藤古賣灰并食則滑美下氣消穀出林邑彼人以爲貴婚族客必先進若邂逅不設用相嫌恨一名賓門藥餞

賈思勰齊民要術 檳榔

南方草木狀曰檳榔三月華色仍連著實實大如卵十二月熟其色黃剝其子肥強不可食唯種作子去其子并殼取實曝乾之以扶留藤古賣灰合食之味甚滑美亦可生食最快好交趾武平興古九真有之也 異物志曰檳榔若筍竹生竿種之精硬引莖直上不生枝葉其狀若桂其顛近上

末五六尺間洪洪腫起若癭木焉因拆裂出若黍穗無花而爲實大如桃李又棘鍼重累其下所以衛其實也剖其上皮煮其膚熟而貫之硬如乾棗以扶留古賣灰并食下氣及宿食白蟲消穀飲啖設爲口實 林邑圖記曰檳榔樹高丈餘皮似青銅節如桂竹下森秀無柯頂端有葉葉下繫數

房房綴數十子家有數百掛

南州八郡志曰檳榔大如棗色青似蓮子彼人以爲貴異婚族好

客輒先進此物若邂逅不設用相嫌恨

廣州記曰嶺外檳榔小于交趾者而大于蒟子土人亦

呼爲檳榔

本草綱目 檳榔釋名

李時珍曰賓與郎皆貴客之稱嵇含南方草木狀言交廣人凡貴族婚客必先呈此果若邂逅不設用相嫌恨則檳榔名義蓋取于此雷斅炮炙論謂尖者爲檳圓者爲榔亦似強說又顏師古註上林賦云仁頻卽檳榔也 孟詵曰閩中呼爲橄欖子

集解

別錄曰檳榔生南海

陶弘景曰此有三四種出交州者形小味甘廣州以南者形大味澀又有

大者名猪檳榔皆可作藥小者名蒟子俗呼爲檳榔係亦可食

蘇恭曰生交州愛州及崑崙

蘇頌曰今嶺外州郡皆有之木大如桃榔而高五七丈正直無枝皮似青桐節似桂枝葉生木顛大如楮頭又似芭蕉葉其實作房從葉中出旁有刺若棘鍼重疊其下一房數百實如鷄子狀皆有皮殼其實春生至夏乃熟肉滿殼中色正白蘇恭言其肉極易爛不經數日今入北者皆先以灰煮熟焙熏令乾始可留久也小而味甘者名山檳榔大而味澀核亦大者名猪檳榔最小者名蒟子雷氏